

Nr. 2502/017 K (e-k) Prot.
Tiranë, më datë 19/02/2025

Drejtuar: Komisionit Qendror të Zgjedhjeve
Komisionerit Shtetëror të Zgjedhjeve
Z. Ilirjan CELIBASHI

Komisionit të Ankimimeve dhe
Sanksioneve

Lënda: DENONCIM Nr. 13 – Lidhur me raportimin e pa plotë të një veprimtarie nga ana e Drejtorisë së Kopshteve dhe Çerdheve, Bashkia Tiranë.

I nderuar z. Komisioner!

Të nderuar Drejtues të Administratës së KQZ-së!

Të nderuar Anëtarë të Komisionit të Ankimimeve dhe Sanksioneve!

Në datë 10 shkurt 2025, është zhvilluar në Tiranë, Njësia Administrative Kashar (në adresën : Rruga “Sadik Stavileci”, Nd. 16 H, Kashar-Katund i Ri, Tiranë, një aktivitet për inaugurimin e Kopshtit nr. 74 "Luleborë".

Sipas raportimit të institucionit përkatës në ndërfaqen e raportimeve të KQZ-së (*shih Lidhjen 1, pika III*), event i organizohej nga Administrata e Kopshteve dhe Çerdheve të Bashkisë Tiranë, me folës kryesor Kryetarin e Bashkisë Tiranë, z. Erjon Veliaj dhe pjesëmarrës të nivelit të lartë, jo diskutant, znj. Zhaneta Beqiri, Drejtor i Përgjithshëm i Administratës së Kopshteve dhe Çerdheve. **Referuar raportimit nuk kishte të tjerë diskutantë apo pjesëmarrës të nivelit të lartë në event.**

Aktiviteti i zhvilluar, referuar transmetimit LIVE në median televizive TV News24 si dhe [videos](#) së transmetuar LIVE në facebook-un e Kryetarit të Bashkisë z. Erion Veliaj, pati pjesëmarrës në cilësinë e folësve edhe dy deputetë të Kuvendit të Shqipërisë, të zgjedhur në Qarkun Tiranë, z. Plarent Ndreca dhe znj. Ermonela Felaj. (*shihni për më shumë Lidhjen 1, pika I e II*).

Së pari, vendosim në dukje se pjesëmarrja si folës e dy deputetëve në një event institucional të organizuar nga një institucion publik në varësi të Bashkisë Tiranë, titullari i të cilës është zgjedhur si kandidat i të njëjtës forcë politike me deputetët, në periudhën katër muaj para zgjedhjeve, në gjykimin e KRIIK, përbën përdorim të burimeve shtetërore për përfitim elektoral nga deputetët në fjalë dhe forca politike që ata përfaqësojnë, Partia Socialiste e Shqipërisë, si dhe cënon barazinë në garën zgjedhore.

Kjo pasi pjesëmarrja e tyre në një event të tillë, të organizuar me fonde publike **sjell një përfitim politik të drejtpërdrejtë në favor të tyre dhe Partisë Socialiste**, duke e paraqitur projektin si një arritje të partisë dhe jo si një investim të financuar nga taksapaguesit.

Për analogji, kujtojmë se sipas pikës 3 të nenit 81 të Kodit Zgjedhor të Republikës së Shqipërisë, “*Transmetimi i veprimtarive të institucioneve publike, qendrore ose vendore, llogaritet në kohën e transmetimit të subjektit zgjedhor, të cilit i përket titullari i*

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

institucionit, nëse veprimtaria ndjek qëllime elektorale. Veprimtaria ndjek qëllime elektorale kur ajo synon promovimin e arritjeve institucionale, të investimeve, inaugurimeve ose ecurinë në ndërtimin e punëve publike ose kur promovon aspekte specifike të programit elektorale të subjektit zgjedhor.”

Pra referuar këtij përkufizimi, është e qartë se vullneti i legjislatorit në hartimin e Kodit Zgjedhor ka qenë se eventet që synojnë promovimin e arritjeve institucionale, investimet apo inaugurimet ndjekin qëllime elektorale.

Së dyti, nga një pikëpamje formale, vëmë në dukje se **prania e dy deputetëve në aktivitetin e zhvilluar nuk është njoftuar paraprakisht nga organizatorët e eventit, në kundërshtim me pikën 5 të nenit 5 të Vendimit nr. 9, datë 24.12.2020** të Komisionit Rregullator, sipas të cilit “Raportimi duhet të përmbajë, datën dhe orën e zhvillimit të veprimtarisë, qarkun, bashkinë adresën ku ajo zhvillohet, llojin e saj, qëllimin dhe tematikën e veprimtarisë, emër mbiemër të personave pjesëmarrës të cilët përfaqësojnë nivelin më të lartë hierarkik shtetëror në aktivitetin përkatës, institucionin të cilit i përkasin, emër mbiemër të folësve të mundshëm dhe pozicionin e tyre, me pjesëmarrje të medias ose jo, pasqyruar në rrjete sociale, median online, ose jo.

Pika 1 e nenit 10 të Vendimit nr. 9, datë 24.12.2020 të Komisionit Rregullator, përcakton se “**Në rastet kur subjektet e parashikuara në pikën 4, të nenit 4, të këtij vendimi, nuk raportojnë, raportojnë pjesërisht ose zhvillojnë veprimtarinë, pavarësisht ndalimit të bërë nga Komisioni Qendror i Zgjedhjeve, kur shkelja nuk përbën vepër penale, dënohen nga Komisioneri Shtetëror i Zgjedhjeve me gjobë nga 3000 (tremijë) deri në 90 000 (nëntëdhjetë mijë) lekë, sipas nenit 171, pika 1, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar.**

Për sa më sipër, **KRIIK denoncon Administratën e Kopshteve dhe Çerdheve, Bashkia Tiranë për raportim të pjesshëm të aktivitetit të zhvilluar në datën 10 shkurt 2024 dhe i kërkon Komisionit Qendror të Zgjedhjeve të veprojë sipas parashikimeve të ligjit.**

Në gjykimin e KRIIK, **KQZ-ja nevojitet që përpos sanksionimit të titullarit përkatës të institucionit, të njoftojë dhe paralajmërojë me shkrim Partinë Socialiste të Shqipërisë në favor të së cilës është kryer shkelja e mësipërme, duke i kërkuar marrjen e masave nga ana e saj për disiplinimin e deputetëve si dhe të përfaqësuesve politikë të saj për mos-përsëritjen e shkeljeve të ngjashme në të ardhmen.**

Gjithashtu, **nxitet KQZ-ja t’i dërgojë një informacion të detajuar mbi këtë ngjarje Kuvendit të Shqipërisë, për tu tërhequr vëmendjen Deputetëve dhe për të parandaluar në të ardhmen përdorimin e aktiviteteve institucionale për avantazh elektorale prej tyre.**

Duke ju falënderuar edhe njëherë për mirëkuptimin dhe bashkëpunimin në vazhdimësi,

Me konsideratë,

**Për Koalicionin Për Reforma, Integrim
dhe Institucione të Konsoliduara (KRIIK)**

**Premto Gogo
Kryetar**

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

Lidhja nr. 1

I. PASQYRIMI I AKTIVITETIT NË MEDIA

- **TV FAXNEWS**



- **TV NEWS24**



Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania



Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

II. POSTIMI NË FAQEN ZYRTARE NË FACEBOOK TË KRYETARIT TË BASHKISË TIRANË Z. ERION VELIAJ

Kopshti i ri që hapëm sot në Yzberisht është një tjetër punë konkrete, që u vjen në ndihmë prindërve dhe fëmijëve të zonës, të cilët tani do të mësojnë në kushte shumë më të mira. I gëzohem faktit se ky është kopshti/çerdhja jonë e 110 që çelim në Tiranë, si vijim i transformimit të objekteve arsimore.



Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania

III. RAPORTIMI I AKTIVITETIT NË NRI

KOMISIONI QENDROR I ZGJEDHJEVE
RAPORTIM I AKTIVITETEVE

Aktivitete të raportuara
 Aktivitete të ndalueshme
 Q Endërkohet

Titulli i veprimtarisë

Institucioni

ADMINISTRATA E KOPËRTEVE QENDRORE

Të dhënat e veprimtarisë

Ditë e regjistrimit të veprimtarisë:

Ditë e zhvillimit të veprimtarisë:

Ditë e shpërblimit të veprimtarisë:

Vendi i zhvillimit të veprimtarisë

Vendi/faqja:

Qelja:

Qarku:

Nj. administrativ:

Adresa:

Lloji i veprimtarisë

Tema/ka e veprimtarisë

Sparta më themelore

Pjesëmarrës kryesorë

#	Emri	Mbiemri	Postimi	Institucioni që përfaqëson
1.	Elton	Halaj	Kryetar Qarkor	KARKUQ TIRANË

Pjesëmarrës të nivelit të lartë (jo diskutant)

#	Emri	Mbiemri	Postimi	Institucioni që përfaqëson
1.	Cherita	Deja	Dejtar i përgjithshëm	ADMINISTRATA E KOPËRTEVE QENDRORE

Pjesëmarrës të tjerë

Veprimtarisë ka qendër të tjerë

Sponsor i veprimtarisë

Veprimtarisë e organizuar nga sponsor

Statusi

Statusi i veprimtarisë: Aktiv

Arsyja e ligjërit: Veprimtarisë është raportuar përparësisht në mënyrë pozitive elektronike më datë 03.02.2025, për shkak të përmbajtjes që ka përfaqësuar i raportit nr. 7A, nga organizatat bashkëpunuese.

Address:

Rr. "Ymer Kurti",
Nd.4, H.2, Ap.3,
Nj.Adm.5,
Tirana

Mailingaddress:

P.O.Box. 2396
Tirana, 1001,
Albania